

26 Von Bereitung des Lapidis Philof.

rumb soll man gebrauchen, von dem aller Edlesten Glyd des O.
 des/das da ist ein Geschlecht aller Geschlecht / vnd ein Form/
 ein Anhebung/vñ ein End zwischen den Metallen/als die klare
 Sonne vnter den Sternen des Himmels. Darumb soll man
 außersöhlen eins Geschlechts/vnd einer Natur/ des guldinert
 Marcasits/in dem Edlesten Glyd/darinn verborgen ist ein Spi-
 ritus, vñ verdeckt/an dem vnser Werck mit vollbracht mag wer-
 den/als daß vil Philosophi sprechen. Es tingiert nit/es sey ihm
 dann auß sein Geist. Darumb soll man in diser Kunst nicht ar-
 beiten/dañ allein auß dem allerlautersten vnd reinigisten Mar-
 casiten/als da sprechen die Meister in der Turba oder Schaar:
 Wißt fürwar / daß kein Corpus Edler od noch Keiner ist/dañ
 vnser Matern: Darumb daß es in ihm beschlossn hat das O.
 Zu gleicher weiß als der Rubin in sich beschlossn hat die Wür-
 ckung aller Edlen Gestein: also hat auch in ihme beschlossn der
 Marcasit das O. Dann es ist ein Herz vñ ein Haupt aller Me-
 talln/vnd das beste für sie alle sampt. Ist gleich in Qualitäten.
 In dem sind die 4. Element vollbracht / ohn alle vbertretung
 vnd minderung. Dann ein jedliche Natur hat ein theil der Hiz/
 der Kelte/der Tröckne/vnd der Feuchtigkeit: dann es wirt nie-
 von dem Luft zerbrochen / noch von der Erden/ noch von dem
 Wasser/vnd wirt auch nit von dem Fewr gemindert / sonder dz
 Fewr gibt ihm dz Leben vnd die Zierheit. Darumb daß sein Kos-
 chüg vbertret in dē Elementē/darun ist es dz neheste dē Reich.

Man heist den Geist auch ♀. Dañ der Geist/der in dē Mar-
 casit verborgen ist/das ist ♀ mit seinem Edlen Essig/darinnen
 dann das O verborgen ist. Dann der Geist ist ein freundliches
 Mittel oder Zusammensetzung der Tinctur. Darumb soll man
 nichts anheben in der Kunst zuarbeiten/ dann allein in dem E-
 dlesten O/vnd in dem verborgenen Geist der Marcasiten. So
 die wider zusammen gesetzt werden/die machen vnsern Lapidē.
 Dann die Meister sprechē: Die Weiße vnd die Rote Tinctur/
 geht allein auß einer Wurzel / da dann kein ander Geschlecht
 oder Metall zukommen soll/dann allein das O. Vnd der Philos-
 sophus: